

bšumaihun d hiia rbia nukraia laupa uruahua d hiia ušabiq haTaiia nihiulia 'l

. ulab

. u'l `m . u'l `m hurintia

. u'l zauai . u'l

ahai

. u'l ahai hurinia

. u'l

šitlai

. u'l abahatai

.

bšumaihun d hiia rbia nukraia . `unian ab `unian udalian rba br rurbia abun br
hiia . hazin hu raza usidra uaprišata d apriš manda d hiia lgubria bhiria zidqa
ukulhun šurbata d adam kd hua adam uhaua zauh nihtat ruha d qudša laruqa d saupat
titaita u'l `bduia titaiia d hšuka uatiat ruha Tnupia udaštania mn zamur daiua
uasarala lhaua bhalSa uamra nihiua iumia uiahria ušaiia uripsia u'dania
d bhiria zidqa bgauh nitgaTlun unistakrun uhda minaihun lnhura lanisaq `lh
d saliq hibil ziua maituiia 'ruta utušbihta mn nhura hazin raza d qrat uhašbat ruha
uata hibil ziua dal mha bmarginh hiuara lnia uamar zibna upusqana nihiua
lmindam d qrat uhašbat ruha lasra iumia ulhamisar iumia ulsrin iumia uliahra
ulpalgu d iahra d bhiria zidqa bgauh lanitgaTlun ulanistakrun uhaizak amarla iurba
lruha kul mahu d anat abadt manda d hiia pusqana mšauilh haizak amralh ruha
liurba `it mindam d ana abdana d almia kulhun bgauh mištbin utarmidia bgauh
saTin uazlat ruha ušauiat Tabla uzmara uphuria usiTia uazlat uzmara usiTia
ušauiat qarnia ubiluria d alma kulhun bgauh mištbin uazlat uqaimalh qudamia
d manda d hiia uamralh ana aklana šaba mnauata uanat aklit mnata hda ubmnata d anat
d aklit ldilia mnata bgauh `tlia uamarla manda d hiia ia `uirtia d `uira bliba
hasirta d aina nhura lahazia anat hazin aklit šaba mnauata uana akalna mnata hda
ubmnata d ana akilna ldilak bgauh mahu d `tlik uamralh `tlin halin naSuraiia
d rbuta bargba uminuna nasbin halin d šatin hamra bzmara ukinar zmara uambuba
halin d iatbia puhria uguha gahna lqudamaihun bšibia dilia mištbin ušumak dilak
manda d hiia ladakria uzidqa laihbia uTabuta labdia balma hazin ana makšilnalun
uraminalun btasniqia d alma hazin amarla manda d hiia hanatun d haizin abdia
bškintik dilik ništikinun 'u baiina lmiqria 'utria qarina mn iardna hiuara rba
d hiia qarilun manda d hiia l'utria ultarmidia uamarlun `lkun qarina bnai d ana
rabit `lkun qarina naSbia d ana niSbit mn abinia amamia utaumia ulišania
bnai `zdaraz bmamlalai dilia d latistakrun bhšuka gahia aminTul d mzarzinalkun
umaqminalkun balma hazin aminTul d ana b'uSrai iadana d `kma d dara baSra bišuta
kabra `lauaikun anatun bturSa qum qudamai d mparqinalkun mn ridpa
d šuba šibiahia uhab zidqa uqrun qala d hiia ualbuš lbušia ukasun ksuiia 'u
`ka gabra naSuraia d lamSia d natnh lkulh zidqa nitun palga d zidqa u`dh bkušTa
nipšuT lqudamai uana barqa d nhura bmalia 'hišbia 'lh tum maprišnalkun bhiria
zidqa `lkun d `it luath d iurba ul'utria d minh zhir uzihrun ubhir ubihrun utar
utaruan usar usaruan unSab uanan nSab ulrabia Talia d iatib bmarkabth lqudamh
ultartin tikia d nhura d traSlh briših hda zihan šuma uhda hurintin zha zihan
šuma uamarlun iurba man d mSia lmizakia lqala d hiia d hua mn laqadmia uamarla iurba
lruha akandit qala d hiia btibil aith akandit qala d hiia b'udnai napil kma qala
d hiia btibil aith riTna d hibil ziua šamana ana amarna akandit hibil ziua mn dara
lasliq tum maprišnalkun bhiria zidqa kul zban d qraha barqa d nhura uaiar
ziqa balma nitiahar anatun b'uSraikun pruš aminTul dilkun hu hšuka unhura
mkadšia mn hdadia atuata unišanqia mhauiia bgauh d rqiha uanatun minh

latidihlun tum maprišnalkun bhiria zidqa zariz napšaikun ubnaikun
uzauaikun ušitlaikun ulhaimanaikun ulhamaikun umaiaikun uminh latidihlun
aminTul iakandit d ardna rba d hiia ušilmai unidbai haka hinun aminTul d halin
naTria haka lahun akuat damia arqa d tibil liurba lmisapa ldila ulrqiha lhdadia kd
arba d mia azla hinila tlata zibnia biuma qala qarilh lšamiš mn bit abatur
zibna brahmia d miSTipra uzibna brahmia d šaba šaiia uzibna brahmia d lpaina anatun
‘tapraš uminh latidihlun kd qaimitun mn šintaikun ubaiitun mibia rahmia kd
mitahzia plugta d ziua tum bun bšaba šaiia tum baiitun mibia rahmia d lpaina
d qaimia drabšia bun gabra d kasilun ldrabšia mqabilun lrahmaikun unaTarlun
bit ginzaiun d hiia rurbia hiia liadan hiia lsabran hiia lgubria masbiranan
uqaiamin hiia bškinatun uhiia zakin sa . hazin hu raza
usidra uaprišata d apriš ugalil uamar manda d hiia
sa